

Landesbibliothek Oldenburg

Digitalisierung von Drucken

**Sebastiani Castellionis Sacrorum Dialogorum Libri
Quatuor, Quos Postremo Ipse Recognovit: Argumenta
Singulis Dialogis Praeposuit, Et Sententias Sublicit ...**

Châteillon, Sébastien

Francofurti, 1761

VD18 12886300

Denarijs.

urn:nbn:de:gbv:45:1-18303

in trivio profecti, quoscuque invenerunt, eos coegerunt, tum malos, tum bonos, ita ut compleretur cœnatio convivis. Ad eos contemplandos ingressus Rex, animadvertisit ibi quendam non nuptiali vestitu indutum: & Amice, inquit, quid huc intrasti siue vestimento nuptiali? Cumque ille obmutuisset, jussit rex famulos, ut eum pedibus manibusque constrictum, in tetricas tenebras abriperent, ubi futurus esset ploratus, stridorque dentium. Multi enim sunt vocati, sed pauci electi.

SENTENTIA.

Publicani & meretries ad Dei regnum sunt aptiores, quam populorum magistri atque gubernatores. Qui divinis donis ornatus ingratum se præbet, is donis privatur. Optima quæque maxime improbantur a potentissimis quibusque.

DENARIVS. Matth. 22. Marc. 12.

Luc. 20.

ARGUMENTVM.

Jesus a Pharisæorum Herodisque discipulis de tributo Cæsari pendendo malitiose interrogatus, prudenter respondet.

Discipuli Pharisæorum, Herodiani, Jesus.

Magister, scimus, ut ^a) verax sis, divinamque vivendi rationem vere & sincere tradas, ne-

^{a)} Aptissima ad fallendum oratio, quippe cum de Christo vera, sed malitiose dicant.



que ullius omnino hominis gratia de veritate deducaris. Proinde dic nobis, quid tibi videatur: liceatne nobis censum pendere Cæsari, nec ne? Ie. Quid me tentatis, simulatores? exhibite mihi numum tributarium. D. En tibi denarium! Ie. Cujus est imago hæc, & inscriptio? D. Cæsari: & quæ Dei, Deo.

SENTENTIA.

Astutis circumspete respondendum. Captiosa ad nocendum interrogatio vitiosa est. Sed ad eandem provida ad seipsum tuendum responsio, vitiosa non est.

SADDUCAEI. Matth. 22. Marc. 12.
Luc. 20.

ARGUMENTVM.

Jesus a Sadducæis de septem maritorum uxore interrogatus, cuiusnam futura esset in altera vita, docet: ibi nulla fore matrimonia, & obiter resurrectione in fore ostendit. Deinde legis perito, de maximo legis præcepto respondet. Postremo, illos quadam interrogatione de genere Christi compescit.

*Sadducæi, Jesus, Legisperitus, Scribæ,
Pharisei.*

Magister, Moses scripto sanxit, si quis mortuus fuerit sine liberis, superstite uxore & fratre,

ut